

DIALUNA 20 JANUARI 2020

DIARIO

UN BANDERA... UN ESCUDO... UN HIMNO... UN DIARIO

582-6747

Engelandstraat 29

@ noticia@diario.aw

www.diario.aw

1,75 FLORIN

ATRACO

**Cu machete
y cuchiu
a atraca
Snacktruck**

Dama cu a bira malo durante eleccion di reina den Carnival Village a fayece

ORANJESTAD (AAN): Un emergencia a presenta su mes Diadomingo madruga den e area patras di stage di Aruba Carnival & Entertainment Village. Esaki a socede net na momento cu huradonan pa certamen di Reina Hubenil, Señora Carnaval, y Reina Grandi tabata contando voto.

Hendenan cu a mira e dama sak den otro, a core yama personal di Cruz Cora cu tabata den e lugar como precaucion. Aki a mira e seriedad di e dama, y a core pidi presencia di Ambulans. Un unidad mesora a sali for di ImSan y a yega, pa mesora paramediconan check e dama. Su signonan vital tabata hopi abao, y aki a start mesora cu CPR. Mas Ambulans a yega, pa asina paramediconan haya refuerzo. Nan a keda duna CPR, y a bay cune pa Servicio di Emergencia na ImSan, pero na su yegada pa 2:45 am, docter a constata morto di e dama C.P., naci na Haiti. Famia di e dama a indica cu e no kier a keda cas su so y a dicidi di bay compana su amiganan cu tabata trahando den Carnival Village. Inespera el a bira malo, a bay for di tino y cay. Na prome instante a plama informe cu e lo a cay for di escenario. Sinembargo despues a confirma cu ta djis den e area patras di stage el a bira malo.

Slachtofferhulp su presencia tambe a wordo rekeri pa sostene famianan cu a haya e noticia aki hopi duro.

Den Aruba Carnival & Entertainment Village por a nota cu e noticia a plama mesora eyden, y e animo di hopi hende a baha bastante. Na famia di e dama C.P., ta bay palabranan di profundo condolencia.

Parada di blaas cu yen ambiente




ORANJESTAD (AAN): Riba Diadomingo, e Parada di Blaas na San Nicolas a laga tur hende den bon animo. Cuerpo Policial tambe ta contento con tur cos a cana y a informa cu e aña aki a conta cu 0 detencion. E parada a conta cu 4 grupo di mucha y 1.500 participante. Pa 4:37 pm e cabez di e parada a yega Joe Laveist y pa 5:06 pm e ultimo grupo a yega e final.

Despues di un eleccion di reina cu a dura mas di 8 ora largo Aruba tin su reinanan pa Carnaval 66



ORANJESTAD (AAN)- E eleccion pa reinanan di Carnaval Diasabra anochi tabata uno bastante largo cu a bay te den oranan di Diadomingo marduga caminda Aruba por a cera conoci cu e reinanan pa Carnaval 66. E anochi a cuminsa cu eleccion di reina infantil cu tabata tin algun contratiempo cu coriente pa motibo cu awa tabata yobe cada rato. Pa banda di 10'or anochi Aruba a cera conoci cu su reina infantil kende a keda den persona di Jo-Amy Morcillo representando Noord.

Despues a sigui cu e eleccion pa reina hubenil, Señora Carnaval y grandi cu a bay den un anochi basta largo, pa algo pasa di 3'or di marduga di Diadomingo mainta e resultado final a keda anuncia caminda como reina hubenil a keda Alysa Simon representando Kiwanis Builders Club, Señora Carnaval a



keda Neiffi Kock-Sierra di Infinity Carnival Group y como reina di carnaval 66 a keda Rudyanne Lejuez representando Champagne Carnival Group. Un pabien na tur candidata cu a sa di duna un tremendo presentacion e anochi aki.